



ARUBA ANSE COURANT

Diario

pa Aruba

Anja 23

DIAMARS 12 SEPTEMBER 1961

No. 4138

Galveston ta pasando ratunan di ansia panica pa orkan „Carla”

GALVESTON, 12 sept. — Ora cu e orkan „Carla” ainda tabata 250 kilometer for di Texas ya e ciudad Galveston, cu ta situa riba un isla, a cuminsa ihuda. Na anja 1900 seis mil persona a hoga na e ciudad ey. Nan ta bisa cu e orkan aki „Carla”, ta masha peligroso.

Centenares di persona cu tabata pasa nan vacacion na Galveston a bandona e ciudad, pero mayoria di e habitantenan tey ainda. Den e territorionan na costa di e estadonan Texas y Louisiana mas o menos un cuart mil hende a bandona nan casnan y a busca moda di calba nan curpa na lugar situa mas altu.

Den centro di e orkan tin bientunan di mas di 200 kilometer pa ora. E tormento, segun e ta acerca costa Mericano, ta aumenta su forza mas y mas. Servicio meteorologico a avisa cu laman por yena mas cu cinco meter altu.

Un cyclon cu segun nan ta bisa ta relaciona cu Carla a zota e ciudad Kaplan den sur Louisiana. 25 te trinta persona a sufrí herida y e orkan a causa hopi danjo.

E territorionan na costa di Texas y Louisiana ta sufriendo di e orkan „Carla”. E barrio cu mas lo sufrí di e orkan ta situa entre Aransas Pass y e bahia di Matagorda. Bientunan cu velocidad di 225 kilometer pa ora ta suplando. Segun servicio meteorológico awa lo subi 5 te 6 meter riba su nivel normal. Ya awacu ta cayendo duru na Texas. Te awatardi e orkan tabata 150 kilometer este di Corpus Cristi (Texas), asina servicio meteorológico a anuncia. Ya no tin corriente mas den tur parti di Galveston. Miles y miles di habitantes a busca un refugio den interior di e estado.

do. President Kennedy a priminti di duna tur yudanza federal.

Campanan militar, y hospitalnan a keda converti den asilonan pa e refugiadonan. Ya tin 300.000 hende cu a bandona nan cas. Segun servicicionan oficial, e orkan „Carla” no ta solamente esun mas furioso di e siglo aquri, pero tambe esun mas peur cu nunca a pasa na Texas.

Segun algun persona, cu no quier a bandona e lugar cu ta amenaza pa e orkan, e bientunan ta asina fuerte cu nan ta ranca cas cu fundeshi cu tur for di den terra.

Ya ultimo noticianan ta papia di 500.000 hende cu a bandona nan cas y cu a bai mas den interior di e estado. Na Galveston, cu ta protega pa un

Ya a hanja 63 dje 83 hendenan di DC-6 cu a cai

SHANNON 12 september. — For di loka a sobra di e avion DC-6 cu a cai na Shannon nan a saca cadaver di 63 persona. Manera ya ta anuncia e desgracia a costa bida di 83 persona.

E periodista di Washington Post

WASHINGTON 12 september. — Segun un periodista di „Washington Post” president Kennedy y premier Mac-Millan a spera un rechazo ruso riba nan proposicion pa stop di haci pruebann nuclear den atmosfera, pero lo cu si nan no a spera ta, un respuesta asina detalla di Chroostsjesf riba nan proposicion. Segun e periodista nan ta kere, cu e respuesta ruso ta contene varios puntunan, riba cual nan por negoshia.

Merca a fia Lima 10,8 million dollar

LIMA 12 september. — Lima a sera un acuerdo di fianza cu e fondo mericano pa fianzanan di desarollo di un cantidad di 10,8 million dollar. Un parti di e fianza aki nan lo usa pa proyecto di reforma agraria. E ta forma un parti di un total di 53,2 million dollar, cu president Eisenhower a promete Peru na juli 1959.

MINISTRO LUNS TA BAI SURNAM NA OCTOBER

PARAMARIBO — Den noticiann semanal di „Suriname nieuwsbrief” nos a lesa cu e minister Hulandes di asuntunan Exterior, mr. J. M. A. H. Luns, lo biaha dia 12 y 13 di oktober venidero pa Paramaribo pa asisti na un conferencia di embahadornan na America Latino.

Actualmente senior Luns ta na New York, na unda lo e participa den e reunion general di Naciennan Unidas ta cuminsa 19 di september venidero.

Registracion lo cuminsa sept. 11 pa Curso na ATS

ORANJESTAD — Aplicacion pa tuma parti den cursonan di anochi na Arubaanse Technische School por worde haci na e school Sept. 11, 12 y 13 entre 6:30 p.m. y 8:45 p.m.

E school ta ofrece cursunan intencion pa yuda studiantenan sinja un ofishi of aumenta nan saber y conocimiento di nan trabao actual. Tin curso di anochi pa trabao metalurgico, mecanico di motor, electricista, carcion mester tuma contacto cu Training pictor, trahadornan di refinaria y di laboratorio. Mayoria di e cursunan ofreci ta fueri dogs anochi di school pa siman.

Empleadonan di Lago cu tin intencion di tuma parti den e cursonan di anochi y cu ta interesa di aplica pa un reembolso pa nan gastonan di educacion, Division, telefon 2527.



AVION A OCASIONA DESGRACIA. — Un avion a reaccion di Fuerza Aerea Frances a ocasiona un accidente como e cabel a quibra. Segun cu nan ta bisa lo mester a muri siete hende.

Nuebe hoben a ricibi beca di Lago pa estudio

O’STAD — Saliendo for di Aruba den ultimo parti di Augustus tabata nueve hoben kende a ricibi beca di Lago pa estudio na Hulanda y Estados Unidos. Di e nueve, cinco a sali pa Hulanda abordo di e vuelo special di KLM Aug. 29 pa studiantenan becario Antiliano, Hulandes y di Lago. Beca di Lago a worde duna tambe na cuatro hobennan cu actualmente ta den scolnan y universidannan na Hulanda.

Estudiantenan becario di Lago aribi e vuelo special tabata Eileen M. Ph. de Cuba, Elton D. Connor, Margerie E. Barry, Leopold van A. James y Elsa D. J. Hopley. Jane H. F. Lampkin y Claire van Thol a sali pa Holanda mas tempran den luna. Herman A. Hope a sali pa Estados Unidos Aug. 22 y Clyde R. Harms a sali Aug. 17.

na drenta un universidad na Estados Unidos.

Esnan den nan segundo anja den schoolnan na Hulanda, tambe recipientenan di beca di Lago, te Estella R. Laveist, Juan R. de Lange, Freddy J. de Vries y Jules F. Richardson.

Srta De Cuba lo studia medicina na Universidad di Nijmegen na Holanda y Sr. Connor lo studia electricidad na UTS na Utrecht. Su tata, E. L. Connor, ta emplea den Mechanical-Metal Crafts. Srta. Barry, yiu di U. Barry di Meeranial-Carpenter, a drenta Nieuwe Huishoudschool na Amsterdam. Sr. James, yiu di X. van B. James di Mechanical-Instrument, ta studia pa hira analista quimico na Instituto Quimico na Den Haag. Srta. Hopley ta studia pa partera na Kweekschool voor Vroedvrouwen na Rotterdam. Srta. Lampkin, yiu di A. L. Lampkin di Process-Cracking & Light Ends, ta atende Christiaan Huguesschool na Rotterdam unda el ta studia onometri y Srta. van Thol, yiu di O. van Thol di Process-Lights Oils Finishing, ta studiando pa boticaria na K.N. Mijter Bevoordering der Pharmacie. Tambe den su segunda anja den e mes school ta Srta. Laveist, yiu di G. L. Laveist di Mechanical-Garage.

HUMA NEWPORT e cigarla menthola den pakt blauw color di mar Caribe.

Sr. Hope, yiu di A. Hope di Mechanical-Carpenter, a sobresali den eventonan atletico y dos vez a worde proclama e atleta sobresaliente durante 1961. El ta atende Yuba College na Marysville, California, unda el ta tuma un curso preparatorio den arquitectura. Sr. Harms, un empleado di Lago durante casi diez-dos anja den Accounting-Systems and Programming, a drenta Universidad di Kansas. El ta studia administracion comercial y accounting. Su esposa y yiuana a bai Estados Unidos cu el.

Sr. De Lange, yiu di Pedro C. de Lange di Process-Receiving & Shipping, ta studia electricidad na UTS na Rotterdam. Sr. De Vries, yiu di J. de Vries di Process-Cracking & Light

TEMPERAMENTONAN TABATA HALTO DURANTE WEEKEND

ORANJESTAD — Diadomingo anochi poco despues di 12’or polisnan a ser avisa cu den Elleboogstraat tabatin un pelea. Ora cu e polisnan a yega ya e pelea a stop. Parce cu G. kende ya no tabata presente mas na e sitio di pelea a dal D.G. cu un botter den cabez. E victima a muestra polis un herida cu el a hanja tras di su oca robez. Despues cu e herida di G. a ser atende e por a bai cas.

Un ora despues e mes anochi tabatin otro pelea banda di La Fama Club. Ora cu patrulla a presenta e dos tercionan a calma sin embargo. Parce cu E.K. a ser amenza pa W., cual tabata motibo dje pelea. W. kende tabata bao di influencia di bebida a ser hiba pa un cuarto liber na warda di polis pa su propio seguridad y di otro.

Den oranan di marduga pa maneco dialuna, un bes mas polisnan mester a duna asistencia na otro bringamento. M. a dal un otro tercio cu yama M. tambe un golpi hasta duro riba su cara, causando un herida di cuater centimeter ariba su wowo banda robez.

F A T U M — Tel.: 1845 pa tur bo aseguranan

Carioca ta duro
Diasabra atardi pa mas o menos seis’or un cariocha A-5756 mancha pa F.S. a forma un colision cu un auto moderno A-63 mancha pa H.H. E chokke aki a tuma lugar entre e caminda di Mahuma pa Santa Cruz Danjo total no ta pasa f 200.—.

Mas bringamento
Den marduga parce ta bon ora pa train, por lo menos J.H. y su oponente A.C. a dicidi di forma un pelea den oranan aki, den Helfrichstraat. Durante e boxeo A.C. a hanja un corta di 3cm. na su brazu robez, causa pa un pida glas.

Ends, ta studia arquitectura na UTS na Utrecht, y Sr. Richardson, yiu di J. F. Richardson Sr. di Lago Commissary, ta tuma entrenamiento pa analista medico na Leidsche Analyse-school na Leiden.

E prome becanan pa studia di Lago a worde duna na anja 1957 na estudiantenan cu mester a cuminsa school na September di e mes un anja. For di e tempo ey un total di 152 a worde duna pa studia na Hulanda y Estados Unidos (Esso News)

FUTBOL FUTBOL FUTBOL

ARUBA VOETBAL BOND

ta presenta

AWENOCHI, 12 DI SEPTEMBER PA 7.30

den WILHELMINA STADION

TROPICAL S.C. vs. BUBALI S.C.
(A-klasse)

ENTRADA FI. 0.50

Dos mucha cu un kaarchi

FUTBOL FUTBOL FUTBOL

TERRIBLE ACCIDENTE NA MONZA

Diestres persona cu tabata sigi e carreranan di auto y e piloto di Alemania-West, Wolfgang Von Trips a muri den un d’gracia na Monza durante e segunda vuelta di e grandprix di Italia.

E desgracia a sosode ora cu e auto di Jimmy Clark, un lotus, y e Ferrari di Von Trips a dal den otro. E Ferrari a pasa door di e tranque y a drenta den publico. Na mes momento e lotus di Ingles Gerald Ashmore a sali for di pista. Ocho persona cu tabata sigi e carrera a muri mes ora. Von Trips a keda bou di su auto. Na caminda pa hospital el a muri. Despues a muri cinco persona mas den hospital di Monza. E pilotoan Ashmore y Clark a sufrí solamente heridanen leve. E Mericano Phil Hill, a gana e carrera y cu esey tambe campeonato mundial di 1961.

Den fin di sinan aki nan a haci asaltonan cu bom den ciudad nan entre Verona y Trento na Norte te na Roma. Mayoria di e explosiennan tabata bonnan di gasolina cu nan a hinea den tas.

Na Roma polis a arresta 40 persona y nan a lista un cantidad di casnan despues di un serie di explosiennan den e ciudad. Cincu persona a keda herida door cu un bom a explota den un bus. Segun e agencia italiano di noticia „ANSA” e bonnan cu a explota na Roma ta di mesun tipo cu esnan cu poco tempu pasa nan tabata usa den e provincia Alto Adige.

MILAN — Na Monza, den cercania di



DRIVE SAFELY

... get glare protection with BAUSCH & LOMB'S

Ray-Ban

SUN GLASSES

Dazzling glare is hard on your eyes and harder for safe driving. Best bet for true eye protection is a pair of Ray-Ban Sun Glasses. Lenses are ground and polished like prescription glasses, unlike the ordinary sun glasses. Choose from over 70 styles and colors to suit every outdoor need.

TRY ON A PAIR...YOU WON'T SETTLE FOR LESS!

ODUBER & KAN INC.

Oranjestad - San Nicolas

NOTICIANAN DIFERENTE DI WASHINGTON

WASHINGTON 12 september. — E minister mericano pa defenza, Robert MacNamara, a anuncia na Washington cu riba petision di e comandante di NAVO na Europa, general Norstad, den cercano futuro nan lo manda 40.000 solda Mericano Europa. Ya tin euba mas o menos un cuart millon militar Mericano na Europa.

Militarnan Mericano

Di fuentenan oficial nan a anuncia cu despues di nuebe di oktober nan lo no por hiba fuentenan di militarnan na Europa pasobra nan tin mester e medio-

nan di transporte pa hiba militarnan mericano Europa.

Expresion di Mr. Strikker

Secretario general di NAVO, Dirk Strikker, a bisa na Washington cu NAVO tin e medianan pa y ta decidido pa lucha na Berlin den caso di un atake Ruso.

El a bisa cu e ta di opinion cu tur aliadonan tin un punto di bista firme y nan ta trata eua esfuerzo pa nan ta comparable cu esun di Merca. Tur aliadonan ta haci tur loke nan por.

Senior Strikker a bisa ademas cu e

no ta kere cu lo bini un guerra pa Berlin. Lo ta cos di loco pa cuminsa un guerra, y pa esey mi ta kere cu lo no bini un guerra. Pero nan por haci un fout y si tin posibilidad cu nan por haci solamente un fout anto Occidente mester ta prepara.

Discurso di Dean Rusk

E minister Mericano di exterior, Rusk, a bisa den discurso dirigi na e sociedad pa eheerito Mericano, cu gobierno Mericano ta spera cu lo bini negociacionnan cu e Rusonan tocante e kestion di Berlin, asina cu resulta cu negociacionnan serio y constructivo ta posibel.

Actua unilateral di Rusia contra interesnan di Occidente por trece solamente un catastrofe mundial, segun Rusk. Gobierno Ruso no por permiti su mes pa haci un fout ora e ta considera punto di bista di Occidente den e kestion di

Mr. Boon ta traha cerca NAVO

DEN HAAG 12 september. — Segun informacion nan a nombra mr. Boon, cu tabata embahador Hulandes na Caracas, a hajar nombramentu como representante permanente di Hulanda na NAVO na Paris. Mr Boon tabata cuater anyu largu embahador na Caracas.

West-Berlijn door d' tende solamente e voornam cu nan kier tende.

Un tratado di paz ta tur loke nos kier, e comunistanan ta bisa, pero esey ta un tratado di paz cu ta amenza paz, segun Rusk.

E cos di mas mihor cu Rusia por haci ta demostra den curso di tempo, cu e ta laga su bisinyanan trankil, asina Rusk a bisa.

Washington

Segun fuentenan bon informan na Washington gobierno mericano a decide pa den otonio bolbe manda 35.000 mil solda na Alemania Occidental pa via e tension rond di West-Berlijn.

Parce cu tin un informacion oficial ta bini, General Lauris Norstad, e comandante supremo di aliadonan na Europa, a pidi pa e 35.000 hombernan pa reforsa e di shete eheerito na Alemania. E 35.000 hombernan anteriormente tabata un suplementario banda di e 3000 homber cu manera ya tabata anuncia lo bai Alemania tras na fin di anyu.

Awor e cantidad di militarnan mericano na Europa ta 250.000 homber.

Francia

E representante Mericano na e conferencia pa stop prueba nuclear na Geneva y cu a fracas. Dean, a bisa despues di a papia cu presidnt Kennedy cu ta mas cu e cu e rusonan no ta acepta e proposicion ingles Mericano pa stop prueba nuclear den atmosfera.

Dean a bisa periodistanan cu e ta acepta cu e rusonan lo sigi cu nan serie di prueba cu nan lo conclui cu un explosion pisa. Ademas Dean a bisa cu Merca a pidi pa inscribi e kes-

YABI

pa bo exito

Pa tur buki pa
HBS y KWEEK-
SCHOOL
Acudi na
**BOEKHANDEL
MARISKA**

Ta acepta YABI tambe na: **Oranjestad** **BOEKHANDEL MARISKA**
San Nicolas **UNION STORE**

BARBECUE
Na Cas - Na Plac - Na Beach

PA MEJOR RESULTADO
AMSTEL

MESTER TA SU ACOMPAÑADO
LICORES ARUBA N.V.
TEL. 1094

CAS PA HUUR

TRES CAMBER, MASHA-FRESCO,
BON SITUA NA PLAYA
(riba Klip)

Pa mas informacion:
TEL. 2568

LA COMODIDAD

SERVICIO ES NUESTRA PROPAGANDA!

E GLASNAN BUNITA A YEGA!

Pa cada compr di fl. 20.— bo ta hajar completamente gratis
UN BUNITA GLAS DI PROPAGANDA. (Corda reclama bo
cash-slip!)

PARADERA STORE Y RUM SHOP Tel. 2693

MI TA BAI SERCA
PETRONA & CROES

nashon e ta e firma mihor equipu
na Aruba, y pasobra.....

K. LOONSTRA
DAKOTA - TEL. 1575

Ta vende: Switch, stopcontact,
socket, tubo, waya etc.

BO TAPE-RECORDER
TA DEFECTO?

Nos ta drechele pa bo denter
di 3 dia.

CASA ELECTRONICA
(Parada di Viana) - Tel. 5371

Pa furmento di bo
AUTO, STOEL,
MATRAS, etc.
Bo mihor adres ta:
RUIZ
UPHOLSTERY
Ostad - tel. 2257

Pa haci un ocasion special,
BERDADERAMENTE SPECIAL,
nada mihor cu un bouquet di
JARDIN CARIBE

Chesterfield Restaurant
y Bar

„E mihor lugar pa come“
Haci nos un bishita y GOZA di e
cuidada delicioso, tambe nos ta
sirbi tur clase di bebida.

Tel. 5109 (enfrente
Wimco) na San Nicolas.

CELESTINO GAZA
ARRESTA

MEXICO CITY 12 september. —
Autoridadnan di Mexico a aresta da-
domingo casi dos cien persona, entre
cual e general Celestino Gascas, pasobra
nan tabatin intension di stroba orden
publico durante e fiestanan di independen-
cia, cu ta cuminsa dia 15 di september.
E personanan detene tur ta simpatizador
di general Miguel Henriquez kende
durante e ultimo eleccionnan tabata e
principal candidato di oposicion.

Cu nos experien-
cia nos por crea
e estilo di peinado
cu ta haci bo
mas atractiva

durante september
y oktober tin
REBAHA ESPECIAL.

TERVINIA
BEAUTY SALON
Waterweg 4
Tel. 2128

Movimientonan actual na Paris

Un portavoz di e ministerio frances di exterior a confirma cu Francia y Tunisia lo cambia prisioneronan cu intervision di Cruz Roja internacional. El a bisa cu for dje bringamentunan na Bizerta na juli 700 Tunesino den man di Francesnan, contra 300 civilnan y militarnan Frances cu ta den man di Tunisian.

Nan a anuncia na Paris cu nan a aresta personanan prominente en conexion cu e atntado fracas riba bida di president De Gaulle. E minister Frances di Interior, Roger Frey, a participa, cu un di e aresta ta comandante Herve Le Barbier de Blignieres ls, ex stafchef di general Paul Vanuxem. Nan a aresta diasabra y nan ta acuse di ta un di e dos lidernan militar na Francia di e complot De Gaulle.

Frey a bisa cu e material explosivo cu nan a usa den e atntado fracas, tabata dles kilo di un materia cu nan ta kere cu ta napalm. E homber cu nan a aresta directamente despues di e suceso tabata Martial De Vilmanday. Polis ta kere cu tabatin cuater of cinco homber ey bandanan ora cu e atntado mester a tuma lugar.

Dia 30 di augustus e conspiradornan a tene un „generale repetitie“.

Segun minister Frey, Vilmanday a reconoce cu e eheerito secreto ta boy di

comandancia di ex-general Salan. Segun e minist r tur cos ta indica cu comandante De Blignieres tabata „stafchef“ di e eheerito secreto na Francia.

Ademas nan ta informa, cu ex-coronel Yves Godard, kende aparentemente ta liber di e eheerito secreto na Algeria, a duna orden pa mata De Gaulle.

Prensa
Redaccion di couranten Frances y representantenan di agencia di prensa di exterior a ricibi copianan di portret di un carta, cu ex-general Raoul Alan, e comandante supremo di Argelia, y actual movimientu derechista di e eheerito secreto a manda na e miembro-
nan di e representantenan frances.

Un yamamentu apasiona riba lidernan di mundo

CASTEL GANDOLFO 12 september. — Papa Juan 23 a haci un yamamentu apasionado riba e lidernan di mundo, pa nan ta consciente di nan gran responsabilidad pa cu Dios y historia. El a avisanan pa no bira victima di provocacionnan enganyoso. No poder sino derecho mester bai dilanti. „Mundo no tin necesdad di guerra y pueblonan derrota pero di forsan nobo y paz, asina papa Juan 23 a bisa.

Welga di General Motors ta bai cuminsa

DETROIT 12 september. — Den hopi di e 130 fabrican di General Motors na Merca tin un welga ta intension pa cuminsa. Federacion di obre-
ro a pone un ultimatum, esta cu prome diez or loke mester tin C.A.O.

Que hubo di puesto di Adenauer

BAD TOELZ 12 september. — Dr Adenauer lo baha di dos anja como canssler, si su partido cristiano democratico triunfa den e eleccionnan federal dia 17 september, asina e minister di Alemania West di defenza, Strauss, a declara na Bad Toelz den Beeren. Segun e canssler lo keda, mientras tan-
tu e crisis actual na Berlin ta dura.

Cambio muluo entre Francia y Tunesia

TUNIS 12 september. — Francia y Tunisia a cuminsa cu trocamentu di personanan, cu nan a cohe prest durante e bringamentunan na Bizerta na juli. 700 Tunesino a cai den man di Francesnan y 300 Frances a cai den man di Tunesinonan.

E CALOR AKI TA IN-SO-POR-TA-BLE!!



Y TOCH NO TA NECESARIO

pa bo capacidad di trabao y bo humor sufrí consecuencia di e calor terrible aki!!

PESEY: HASI MANERA HOPI OTRO HENDE

y laga, instala un airconditioner na cas y oficina. Bo famia lo ta semper sonriente y bo personal lo hajar mas animo pa trabao. Bo ta aprobecha bo sonjo mehor y bo ta hajar mas alegria den bo bida.

TUMA BO DESICION AWOR!

E kwik den bo termometro ta subi y calor ta birando mas insoportable. Cada dia menos calor ta un ganancia! Pesey no warda mas; ta den bo mes interes.

PA TUR INFORMACION:



HBU

HBU

Bo deseonan...
realidad!

Deposita tur luna un parti di bo
entrada ariba un H.B.U.-
Sparboek y pronto lo bo
tin un capital cu vale
la pena (renta 3%)

sin riesgo!
sin gasto!

Haci
Bon
Uso di

HOLLANDSCHE BANK-UNIE N.V.
ORANJESTAD - SAN NICOLAS



E hospitalaria aquí de exhibición de horticultura alemana federal, cu' actualmente ta s'er teni na Stuttgart; tã mira un poco preocupada y cu su razon. Si e larga e komkomber cu e ta carga aquí cai, lo queda probablemente un monton di ruina. Ademas qui un bunita chens pa fabricacionan di bonnan zuur.

AWE NOCHI NO TIN WEGA DI HOOFDKLASSE

(Di nos redactor deportivo)

Segun nos a wordo informá riba peticion di Dakota, directiva di AVB a hanja bon di cambio e wegá di Dakota contra RCA; originalmente programa pa awe nochi. E wegá interesante aki lo wordo huna traja anochi den Wilhelmstad. Dakota a haci tal peticion en vista di e dos partidonan cu nan a bai hunga na Corsow durante e weekend eu a pasa.

Awe nochi lo tuma lugar un partido entre Tropical y Bubali-petenciente na e campeonato di A-klasse.

DAKOTA A „SPLIT” NA CORSOW

(Di nos redactor deportivo)

Dakota cu riba invitacion di CVB a bai hunga dos partido na Corsow durante e ultimo weekend. A split contra di e curazonenjan.

D'asabrá anochi nan a enfrenta Sijthoeck e actual campeonon di Corsow y di Antillas. Na halftime e partido tabata 1-0 na favor di e colegialnan y te na e momento ey e wegá tabata hopi parecé.

Pero den e segundo tempo, mandando contra di biento, Sijthoeck a hunga un gran pida futbol pa dominga e wegá y anota tres blaha mas. Dakota su midvoor Dudu Adonis a logra e

unico tanto pa e oncena arubiano. E score final tabata di 4-1 pa Sijthoeck.

Diadomingo contra di Jong Holland campeonon antillano di aña 1960. Dakota a hunga un mihor partido y a obtene victoria mercedamente cu anotacion di dos gol pa pero Dudu Adonis y Niffo Sieba a pcurá pa dos golnan dakoteno.

DELEGACION DI NAVU A „TENDE” TRES DI R.C.A.

(Di nos redactor deportivo)

Durante e weekend cu a pasa tabata t'na nos isla, tres miembro di directiva di NAVU, senior Walter van Rosher, Hector Weber y Curiel, kendenan a bin tuma declaracion di e tres hungadonan di RCA Edwin Dirks, Rey Franken y Juan Sanchez. Esakinan ya a wordo temporalmente suspendi door di directiva di AVB. Ya directiva di NAVU a pichi e raport di referi Mingué kende despues di e ultimo partido RCA-Sijthoeck pa e Campeonato Antillano a wordo ataca. Directiva di NAVU awor eu declaracion di tur concerniente na e desagradable incidente ey lo tin di tuma un decision di kiko y cuanto castigo, e hungadonan lo por hanja.

Como cu NAVU no t'n reglanan di castigo stipula ainda, e directiva lo tin di reuni especial pa trata e caso.

CINCO Y SEIS

Resultado di e caredanan di Diadomingo dia 10 di september di 1961. Cabainan ganador:

Promer careda: Cochano II di preparador J. R. Becerra cu jineté C. Perez. Distancia 1400 metro. Tempo 86 4/5 sec.

Di dos careda: Petito di preparador L. Petras cu jineté M. Hurtado. Distancia 1200 metro. Tempo 73 2/5 sec.

Di tres careda: Montmartre di preparador A. Jacial cu jineté Balsamino Moreira. Distancia 1700 metro. Tempo 105 3/5 sec.

Di cuater careda: El Chino di preparador A. Jacial cu jineté Walter Carrion. Distancia 1600 metro. Tempo 100 2/5 sec.

Di cinco careda: Abuelo di preparador R. Salazar cu jineté J. A. Guzman. Distancia 1300 metro. Tempo 81 1/5 sec.

Ultimo careda: Plum Pudding di preparador M. Ziadie cu jineté P. H. Santaella. Distancia 1400 metro. Tempo 85 sec.

E resultado di e caredanan di Diadomingo no a duna sorpresa mucho grandi. Petito ta unico ganador-butacazo di menciona. Pa concepto di ganador Petito a paga unicamente 37 bolivar, loke ta nifica cu e apodador nan a tene cuenta cu e competidor aki. M. Hurtado e jineté cu e victoria aki a haya su primer triunfo den careda di 5 y 6 despues di a corre 13 careda den 5 y 6 sin por a gana. Montmartre e gran favorito „fija” nacional prepara pa Jacial, a duna prueba di ta un cabay di alto categoria. Ta un cabay importa for di Uruguay, jiu di Medoc II y Vanguardia. Montmartre ta considera e futuro rival di Klick.

E cantidad di formularionan sella a monta 326.631 pa un valor di 2.988.577 bolivar. A resulta 66 formulario ganador di seis cabai cu ta paga cada uno Bs. 13.715.95 y 2.751 cuadro cu 5 cabai ganador cu por cobra cada uno 180 bolivar. (E resultadoan aki no ta definitivo ainda).

PROMER CAREDA: Nos promer favorito Cochano II a sali victorioso den e promer careda di e competencia cu 2 cuerpo di ventaja dilanti di Raudal. Cochano II a gana e careda den e 250 metro final ora cu el a avanza di parti di paden pa alcanza Raudal cu tabata hiba un cuerpo di ventaja y vega me'a como ganador lagando Raudal ocupa e di dos lugar. E di tres puesto tabata ocupa pa Virelever cu H. Rengifo a logra drenta di cuater y Don Temis un cabai cu a ser honi nombra a cerra e marcador. Grand Canyon tabata retirá.

DI DOS CAREDA: Petito un batcazo formal pa cadera a resulta: vencedor di e careda. Tabata e promer victoria di Hurtado den 5 y 6. E componenanan di llave 11 cu nos a indica como casi fija a logra unicamente vega di tres y di cinco. Petito a gna e careda di punta-punta. Enfin na ultimo ora a amenaza duro avanzando di parti paden pero Petito tabatin suficiente reserva pa soporta e ataque y cruza e linea final como ganador. Enfia a vega di dos y bas'a retirá a vega di tres. Meliades sigui pa Allegado. Riva cu no a desarolli su velocidad di costumbra a completa e marcador.

DI TRES CAREDA: Manera tabata di spera e gran favorito nacional Montmartre a gana e careda sin ningun clase di problema. Moreira a cruza e meta cu 3 1/2 cuerpo dilanti di Empeño, cubriendo e distancia di 1700 metro den e tempo di 105 3/5 sec. M. Moreira no a haya necesario haci mas esfuerza y por bisa cu el a cruza e meta dominando e cabai su velocidad. Montmartre ta considera un animal cu pronto lo corre den e categoria mas halto den Rinconada. Mucho detalle e e careta aki. Empeño, Faro y Dionisio a trata di alcanza e ganador, pero sin ningun resultado. Empeño a vega di dos. Faro a vega di tres, sigi pa Dionisio. Y Presnupial a bin como di cinco riba e marcador.

DI CUATER CAREDA: El Chino, e componente di llave 8, a resulta ganador. Walter Carrion a corre completamente di patras pa avanza na al ura di 600 meter logrando ventaja den e plena recta, pa pasa di viala dilanti Agapanto y Esplendoroso. Agapanto a sonoria e atake te na fin, pero mester a laga El Chino keda victorioso cu solo un cabez su dilanti. Esplendoroso a logra ocupa di tres lugar y Niso di cuater. Pantrucia a completa e marcador. Malbajar a haya un accidente den e aparato y no por a tuma parti den e careda.

PENULTIMO CAREDA: Nos „Sorpresa” Abuelo a resulta ganador di e careda cu mei cuerpo dilanti di Quecuel. J. A. Guzman a gana Clarify, Pilatus, Rififi y Tolera corren den e promer puestonan. Rififi den altura di 400 meter tabata e puntero. Abuelo un fuerte atropellada hunto cu Aturdid II y Quecuel a logra pasa pa parti paden y tuma e delantera.

Y ena alogado mas y a vega como di dos na meta. Aturdid II cu a reaparece despues di hopi tempo a vega di tres. Pilatus y Clarify consecutivamente a ocupa di cuater y cinco lugar.



Nos paisano Leen van den Meulen a bira diamars anochi campeon na Stayers amateur.

BASEBALL CLASE „A” NA LAGO SPORT PARK

(Di nos redactor deportivo)

Dos blaha durante e ultimo weekend Don Bosco y Heineken's a enfrenta otro na Lago Sport Park. E partido di e campeonato clase A. Ambos blaha Don Bosco a resulta victorioso. E promer partido a cabá 2-0, e segundo e ganador nan 5 hit y cometiendo 1 error, mientras cu e consecutivnan a conecta tres imparible y comete cinco piffa. Heineken's a protesta e partido aki debi na cu segun e Don Bosco a usa dos hungador ilegal, esta M. Geroles y E. Muller. Dos e cuatero tina tabata tin un incidente, cual a culminar den sakamento di dos hungador. Niles di Don Bosco y Haynes di Heineken's. Pitcher ganador tabata M. Jensen y perdedor San Jacobs.

E segundu match hunta dia Dom'ing merdia a wordo gana door di Don Bosco cu notacion di 4 pa 1. Na e conezá 5 hit y comete 1 error. Heineken's a conecta cuatro hit y romete mes tanto error. Rufus Arndell a gana pa Don Bosco y M. Hemstrik a perded.

E partido entre Schlitz y Orangeboom no a tuma lugar debi na cu atrobe Schlitz a keda sin presenta perdien do asina pa default.

ULTIMO CAREDA: Plum Pudding a logra su cuarta victoria consecutiva y completa pa su preparador M. Ziadie su tercer victoria di e siman. Guatrache II y La Fuera a inicia e careda como e punteronan. Na altura di 600 meter Santaella a alcanza La Fiera y tuma e puesto di honor. Espanol cu un avance fuerte a trata di sorprende pasando cu gran velocidad pa parti paden, pero Plum Pudding por a resisti e atake pa cruza e meta en un perezoso di ventaja. Jueznan a pone empate entre Plum Pudding y Espanol, pero fotografia a declara Plum Pudding ganador. Espanol a keda number dos y Osornino a drenta di tres. Di cuater tabata un Rumor y Mahmiga, nos promer favorito, a completa emarcador.

Agenda

ARUBAANSE COURANT
diariamente cu excepcion di
diadomingo

Edita pa:
N.V. ARUBAANSE DRUKKERIJ, EN
UITGEVER, EN PUBLICITEITS BUREAU
Rassaustraat 15, Oranjestad, Aruba, M.A.

Suscripcion / 3.25 paga adelanta
Edicion suelo 20 ct.

Teléfono:
2116 Redaccion y suscripcion
1116 Directiva y anuncio
Directeur-hoofredacteur: D. Wolff

Imprimi na N.V. Drukkerij „De Stad”
Edicion suelo obtenible na 20 cent. na:
Union Store, San Nicolas
Mariska, Oranjestad y Cabana, St. Maarten
Aruba Caribbean Hotel.

CINE

Diamars 12 di september
DE VEER: 8.30 or „The Big Fisherman” A.L.
RIVALTO: 8.00 or „Con Fever” B.J.
PRINCIPAL: 8.00 or „Cuando los angeles no
duelen” A.L.
AURORA: 7.30 or „Bandits of the badlands”
A.L.
SANTANITA: 7.30 or „The rabbit trap” B.J.

PARTERA

Zr. Th. E. Gibbs, Wilhelmstraat 30
Oranjestad, tel. 1355.
Zr. M.E. van der Mark, Rondweg 4, Oran
jestad, tel. 1357.

WIT GELE KRUIS

Oranjestad: Zr. Ewald
San Nicolas: Zr. Perpetua
Santa Cruz: Zr. Ludovic
Hospital San Pedro di Verona tel. 2300

BOTICANAN DI WARDA

Oranjestad: BOTICA DEL PUEBLO tel. 1553
San Nicolas: BOTICA CENTRAL tel. 5008

HUMA NEWPORT e cigarra

mentholada den pakí blauw color di
mar Caribe.

POSTSLUITINGEN

Dinsdag

Anguilla 13.30; Antigua 13.30; Argentina
14.00; Bolivia 14.00; Bonaire 14.00; Brazil
14.00; Br. Guiana 13.30; Canada 8.30; Cana
13.30; Chile 14.00; Colombia 13.30;
Costa Rica 14.00; Curacao 14.00; Ecuador 14.00; El
Salvador 14.00; Europa 10.00; Fr. Guiana
13.30; Guadalupe 13.30; Gualemaia 14.00;
Honduras 14.00; Br. Honduras 14.00; Mar
tinico 13.30; Mexico 10.00; Min'servat 13.30;
Moldavia 14.00; New York 8.30 en 10.00;
Nicaragua 14.00; Panama 13.30; Paraguay
14.00; Peru 13.30; Puerto Rico 13.30; Sur
iname 10.00 en 13.30; Trinidad 13.30; Tri
nidad 14.00; Curacao en 13.30; Maracaibo
13.30; Virg. Eilandien 13.30.

RADIO KELKBOOM

Diamars 12 di september

8.00 Opening
8.02 Selection Musical cu disco Latino
Americano
8.30 Cumpleaños Feliz
9.00 Varietas Musical cu discitos Europeos
y Norte Americano y Latino
9.15 Cita cu Discolandia Kelkboom
9.30 Musica Instrumental
10.00 Ritmo Latino
10.30 Noticia di N. Habibe Jr. Supermarket
11.00 Musica Norte Americana
11.15 Musica Antillana
1.30 Musica Varla
12.00 Lunchmusik
12.03 Texas Furniture store ta presenta
Societas Local y Internacional
12.20 Intermedio Musical
12.30 Aruba Boekhandel biedt U
„Nieuws in het Nederlands”
12.45 Intermedio Musical
12.55 Viana Auto Supply brings you „News
in a nutshell” (Eng.)
1.00 Musica Varla
1.30 Mei ora cu Rotera
2.00 Varietas Musical
2.30 Musica Instrumental
3.00 Cha cha cha
3.15 Merengues
3.30 Ban apar placa cumprando na
La Esperanza
4.00 Interim
6.45 VIMCO ta presenta
„Noticia na Papiamentu”
4.45 Cocktail musical
5.00 Danzones
5.15 Varietas musical
5.30 Musica popular
5.45 Fiesta de Catepros
6.00 Programa di Nutricia
6.15 Calypso
6.30 Finer muziek
6.45 Programa Voorlichtingsdienst
7.00 Aruba Trading Co. ta presenta
„Noticiero Schlitz” (Pap.)
7.15 Musica Varla
7.30 Musica Instrumental
07.45 Mercurius Trading Co. biedt U
„Nieuws in het Nederlands”
8.00 Musica Norte Americana
8.15 Colgate-Palmolive ta presenta su
novela „Estrellita”
8.30 Musica Varla
08.45 Luis Vazquez
9.00 Musica, Poesia y comp. Antillano
9.30 Peliculas
10.00 Sluiting

RADIO VICTORIA

Diamars 12 di september

11.00 Apertura
11.15 Novela Cristiana
11.30 Melodias di Meridia
12.00 Ultimas Noticias
12.15 Musica Sagrada
12.30 World News
12.45 Organ Memories
1.00 Radio Concert Hall
2.00 The Reading Room
2.15 Sacred Songs
2.30 The Quiet Hour
2.45 Ensenos Musicales
3.15 Melodias del Alma
3.30 Adelante Juventud
4.00 Musica Al Banda
4.15 Enora Celestial
4.30 Cafe con Musica
4.45 Waltman Favorito
5.00 Academia del Aire

5.15 Palabranan di Bida
5.30 Interudio Musical
6.00 Ultimas Noticias
6.15 Naciones Unidas
6.30 Noticias de Holanda
6.40 Musica Chalea
7.15 The Bandstand
7.30 The Lago Hour
8.00 World News
8.10 Off the Record
8.30 Back to the Bible
9.00 Musical Cema
9.30 Bible Time
10.00 World News
10.15 When Day is Done
10.30 Sign Off
Despedida.

K. LOONSTRA
DAKOTA TEL. 1575
Ta bend: Switch, stopcontact,
socket, tubo, waya etc.

VOZ DI ARUBA

Diamars 12 di september
06.00 Apertura
06.03 Nos oracion di mainta
„The Lord's Prayer”
06.04 Thoughts of the day
06.03 Melodias Maltinas
06.14 Thoughts of the day
06.15 Viana Auto Supply Co. brings you
„News in English”
06.30 Melodias Maltinas
07.30 Aruba Trading Co. ta presenta
„Saludos Musicales de Limaco”
08.29 Thoughts of the day
08.30 Viana Auto Supply Co. brings you
„News in English”
06.43 Ecos Internacional
06.00 American Melodias
08.45 La Voz del Hogar
10.00 Colgate-Palmolive ta presenta su novela
„La hija del dolor”
10.30 Programa „Seguridad”
11.30 American Melodias
12.00 Muziek uit Nederland
12.15 Mercurius Trading Co. biedt U
„Nieuws in het Nederlands”
o.l.v. Jos v.d. Schoot
12.30 Selection Musical di Meridia
13.00 Viana Auto Supply Co. ta ofrece
„Mundo en Marcha”
13.15 Conjunto y arlequinan Antillano
13.40 Procter & Gamble presentan su
novela „La Esperanza”
14.00 Variedad Musical
15.00 Peliculas pa exterior
15.30 Selection di Musica Popular
16.00 Complicaciones
16.15 Melodias Amiel
16.30 Complicaciones
17.00 Felicitando nos oyentenan
17.30 Musica Varla
18.00 Alardeer Musical
18.15 Petrona & Cross ta presenta
„El Observador”
18.30 Musica Popular
„Sprinkles de Murnanni”
18.50 Thought of the day
19.00 Viana Auto Supply Co. brings you
„News in English”
19.15 Instrumental Melodias
19.30 La Esperanza Supermarket ta
presenta „Economiza comprando na
La Esperanza”
20.00 Viana Auto Supply ta ofrece
„Mundo en Marcha”
20.15 Saludos de Holanda
20.30 Colgate-Palmolive ta presenta su novela
„El valle de los Lirios”
21.00 Musica Varla
21.30 V.A. „Listeners” „Choice”
22.00 Clausura

DE GAULLE A BOLBE PARIS

PARIS — President a regresa Paris awe
despues di a pasa fin di siman na su
finca na Colombey les Deux-Eglises.
Dos auto di polis tabata diez cinco mi
nuto dilanti pa controla caminda y
tambe nan a tuma otro medidanan di
seguridad.

Corant Frances tabata contento cu e
atentado riba bida di president De
Gaulle a fracasá. E corant derechista
„L'Aurore” ta scribi cu e fanaticadonan
mester comprende cu ni Francia ni
mundo por permiti, cu e sucesor di De
Gaulle por bini na poder door di un
movimiento revolucionario, peor ainda
si esqui ta sushi cu sangre.

E corant conservativo „Le Figaro” ta
bisa cu e sistema en De Gaulle ta go
berna ta abri pa critica. „Pero te ta e
homber cu ta keda dirigi”. Danki Dios
pe te ainda Francia no a cai den catas
trofe. Den bista di mundo e ta keda
un figura masha respecta, kende ta mere
ce e respet aki, asina „Figaro” ta bisa.
Corantnan ingles tabata preocupa pa
loke por a sosode cu Francia y occi
dente si e atentado a resulta exitoso.

CENTRAL NOBO DI AWA NA MOSKOU

MOSKOU 12 september. —
E premier Ruso Chroestisief, a inau
gura na Stalingrad un central nobo di
awa cu ta esun mas grandi di mundo.
E capacidad di e central ta 2.500 mil
ion kilowatt, segun Tass.
E lo produci dinsten te discuter kilo
watt pa anyu.

Cuarenta arrestacion na Roma

ROMA 12 september. —
Den anochi polis Italiano a aresta 40
persona despues cu na Roma y Veineta
diferente bahianan cu bonnan di gaso
lin a explota.

RUSIA LO HACI PRUEBA-NAN CU RAKET

MOSKOU 12 september. —
Di diestres te diestresen di september
Union Sovietica lo haci pruebanan cu
raketan di mas cu un piso den centro
di oceano Pacifico, asina e agencia rusa
di noticia „Tass” a anuncia.

Razgo di orcan „Carla”

HAVANA 12 september. —
Un gran cantidad di persona na Cuba
a hanja heridanan ora cu orcan „Car
la” a pasa riba e isla. E danjo ta grandi.

Refugiadonan Cubano lo bai Miami

NEW YORK 12 september. —
Un avion di Pan-American World Air
ways lo hiba refugiadonan politico cu a
tuma na refugio den e embahada di
exterior na Havana na Miami den Flori
da. Esnan relaciona a hanja manera
ta conset proteccion di polis ora nan
ta sali di e pais.

Onmisbaar in elk huisgezin

OVALTINE

E ULTIMO TENTACION

Pa: JOSEPH VIERTEL

Traducción: E. S.

— No. 8 —

E homber a lamta para i balza su man
nan na laira cu un movicion desaproban
te. „Ayer mi tabata pupia hopi, mi ta
un bromeador, pero awor no mas.”
Awe mi no tin binja, mi no tin binja.”
Deborah a lanta ta mehor e salí bai
promé cu e homber bieuu i excitent
cu duna un escena mulo. E otro muher
nan tabata para mire cu un expresion
di antipatia, cu excepcion di un much
muher, cu e cabá di yega i kende ta
bunta parece di ta bisa cu su sonrisa.
„Hendenan stranjo tambe bo mester topa
cu ne.”

Mientras el a sali na porta di atras,
Bamijestock a zwaai cu su mannan
atrohé. „Nan ta bisa bo,” el a grita.
„Porfin nan a topa cu bo. E homber a
cabá di sali di aki.”

No tabata di promé: blaha cu Bau
merstock tabata duna problema, pero
Debbie tabata intrankil i curioso i tabata
bai puntre ta kende tabata buske.
Baumerstock a cohe su stoel cu un
man, i a busca na e yabi di e tienda
den su sacu.

„Mi ta bai ceta tienda,” el a bisa.
„Bo ta kere, cu mi ta paga e gastonan
di pa e derecho di sinta henter dia aki?”
El a drenta paden, hala e porta di hero
cu tabatin dilanti di e tienda cera i a
larga e muhernan riba e trapi sa cu el
a cera e tienda definitivamente.

Debbie tabata sa cu e no tabatin nodi
di bai ceta Polachek of Goldsteih. Esei
nan seguramente no tabatin nada. Mara
Vie tabata na e sac awor aki, den e pro
fundo di su curazon e tabata depende

hopi di dje. No ta nada a pase? Oh.
Dios no su Vic!

Prome cu e tabatin tempu di inveti
ga e miedo cu e tabatin, el a tende
e parashi di awa di Gaza Road ta bini,
sigi pa un muchedumbre alegre. E chauf
eur tabata pita sin fin, un blaha largu,
i un blaha corticu manera sinjlanan cu
tabata bisa. Awe bo por bin busca, awa
trankilment. Para libremente mei mei
di eaya. Awe ta un alegria pa bin bus
ca awa.”

I for di tur cas nan tabata bini, gri
tando Awa, Awa! Un parti di e muher
nan cu a bini cu nan jini chikiti, homber
nan anciano i muchanan, tur tabata zwaai
cu homber i botter i canicaman, ketel
i vas, tur loke por a contene awa.

Debbie tabata mucho leuw fur di cas
pa e bai busca homber i yega na tempu.
pero Elsa lo zorg sigur pa awa. E hen
denan tabata core bai na e garoshi, cu
short of slacks, saya, tur sorto di bisti.
Pero den tur e hendenan e no a mira
Elsa.

Ahao na e trapi dilanti di e tienda
di Baumerstock tabatin dos botter hasi
di Coca Cola, di cual ningun hende
no tabatin derecho. Dos botter di awa
tabata na hor cu nada. Es ora ei maske
ta feita Vic par feita; nan por bebe
un tiki awa. Ya tabatin algun dia cuba
cu nan no a parti awa, i loke el a keda
cu ne, e camiza ta hote. Cu esei e
por a lanta e W.C.

Debbie tabata para mei mei riba caya
cu un botter den cada man i tabata mira

con Mashe Ben Saul tabata compor
te mesos cu un pffesur di herdad i mien
tras e tabata bisa „Bini boso tur, na e
fuente” tabata yena homber i ketelman.
E tabatin hon cabes pa corda number
i cara, un cualidad cu el a d sarolla na
Sachsenhausen, na unda e tabatin sorto
di reponsabilidadnan asina. Cu cada mo
vimento di cabes e tabata bisa den un
tono tristu e number di e familia; e ta
bata comoe hopi herde, i tabata cohe
e vaasnan, habri e kranjiti e cete, i en
trega e obbeto back. Su habilidad tabata
enorme; e tabata haci mesos el e awa
tabata cognac; ningun lek no tabata cu
na suela.


Prome cu Debbie por a realisa, el
a hunje cu e dos botterman yen det su
man. „Marmore,” B e Saul a grita.
Debbie no tabata sa si tabata su imagina
cion, pero tabata parece cu esnan cu ta
bata para mas cerca di dje pa scucha
Ben Saul, pa un momento a keda keti
i a reina un silencio.

Kizas e tabata sobra tempu pa bai
hiba e botterman na cas, i ainda bai
cu un homber prome cu e garoshi bai,
na Talbach, e colonia Aleman. El a ex
plica Ben Saul e situacion. „Pafico no?”
el a bisa mientras el a hiba su schouder.
„Bo tin derecho riba un cantidad mes
grandi cu e otroman. Pero bo mester haci
lifer. Mi no por keda warda.”

Libher el a camina bai cas. El a hera
di sali for di e muchedumbre ora cu
el a sinti, cu e ta cai — cu el a cai largu
abajo. E botterman, instantivamente el

CISCO KID

1. "No mishi cu mi ami ta e sheriff". 2. "No, ya bo no ta sheriff mas". 3. "Esaki ta e sheriff, awor ta e ta man- da."




JUAN EL INTREPIDO

1. "Permitimi guiabo na e inspeccion, principe... esaki ta nos enfermeranan". 2. "E jovennan americano ei a haya un preparacion intensiva... tur ta voluntario". 3. "America, principe, ta ricibi esun di mihor di cada pais... esaki jama Myo Syn."



DICK TRACY

1. Den e tiramento ey e entrenador Hide Johnson a haya un tiro. 2. Ora cu el a cai e pushi cu \$ 100.000.— a jega na e truck y a drenta. 3. "Trusty Hubbub a dal e porta cerra y a primi gasolin". 4. Despues e mes ta realiza cu net e cu ta odia por e, ta sinta banda di dos corriento duro pa seapa di polis."



RIP KIRBY

1. "Lubida ariba John L. Mulligan, y admira e maravillan di Armonia, Desmond". 2. "Esey lo mi haci, sr.". 3. "Na pia nos ta bai poco poco, pero mi a haya un idea". 4. "Bo no ta manda e bicicleta duro Desmond". 5. "Mi no ta desea pa ta arresta pa exceso di velocidad. Sr."



EL PRECIO DEL TRIUNFO

1. "Kiko ta asina comico Buck?" 2. "Loke h'a bisa di destrui tur e mondi di Boswor". 3. "Tur cos a bay contra di bo, Carroll, si bo ta listo, lo bo acepta e indulgencia di Saxoo, mi tabata kier un poco di dje". 4. "Ki bo kier meen Buck?" 5. "Carroll abo no a extermina e mondi, mi no a uza polvo di fungo den e mesela awe". 6. "Ta gewoon santo nos a strooi awe nochi."



EL DIARIO DE UNA VIDA

1. "No tabata pareci oportuno e momento ey pa haya bisa Vassily algo, el a regalami e broche...". 2. "Otro biaha lo ta distinto, lo bo bisele e puro verdad, e lo sa comprende...". 3. "Esey lo mi haci otro biaha". 4. "Ora mi bira campeon, lo mi bira conoci y tur hende lo admirami."



PEPITA

1. "PUUUUM". 2. "F'a kende a drenta?". 3. "MARLON BRANDO". 4. "Ohm y ami ta tur desarregla". 5. "Bo no mester a ganjami asina, Lorenzo."



HOROSCOOP di awe

ARIES
21 Maart — 18 April



Awe lo bo por mira tur cos for di un cierto punto di bista, i analiza nan.

TAURUS
20 April — 20 Mei



Trata di combina inteligencia cu bon punto di bista.

GEMINI
21 Mei — 21 Juni



Lo ta bon di revisa bo seguridad di bida.

CANCER
22 Juni — 22 Juli



Lo bo saca mas provecho di e influencia si bo bai systematicamente.

LEO
23 Juli — 23 Augustus



Bo mester trata di no perde cabes den cuestion di asuntonan financiero.

VIRGO
24 Augustus — 23 September



Aunque cu bo duna bo opinion tocante un problema, trata di tene bo na e hechonan.

LIBRA
24 September — 23 October



E aspectonan di awe por pone bo realiza suenjonan personal.

SCORPIO
24 October — 22 November



Tin indicacionnan pa combersacion cu amigonan i personanan cu kier bo bon.

SAGITARIUS
23 November — 21 December




Ocupa bo cu bo debernan i responsabilidad na un manera sobrio.

CAPRICORNUS
22 December — 20 Januari



Bo influencia lo tin un rol importante den e sucesonan di e siman aki.

ACUARIUS
20 Januari — 18 Februari



Revisa papelnan di secreto i documentonan, cu tin balor.

PISCES
19 Februari — 20 Maart



Fortifica contactacion cu otro personanan. Nan ta hopi druk.

LAST CHANCE TO JOIN WEDNESDAY CLASS

ATTEND A FREE SESSION

Without any obligation of the world famous

DALE CARNEGIE COURSE

For Ladies and Gentlemen



CULTUR CENTRUM
WEDNESDAY
SEPT. 13th.
8.00 P.M.

10 Ways in which this training will help you:


- * Speak effectively
- * Develop Confidence
- * Control worries
- * Remember names
- * Think on your feet
- * Develop Hidden Abilities
- * Win more friends
- * Improve memory
- * Prepare for leadership
- * Get out of a rut

DALE CARNEGIE COURSES, presented by GEORGE HATLEY.

ESAQUI TA E EXCELENTE COMBINACION DI

Stereo Radio/Pick-up

(marca Siemens) cu dia 3 di october por ta bo propiedad



Tuma parti na e gran concurso di Warenhuis Van der Ree — La Victoria — di September.

Pa cada 10 florin cu bo compra bo ta banja un formulario di participacion den e concurso. Bo compra 20 florin, ta dos formulario etc. Haci bo compran pa bo cas cerca

Warenhuis Van der Ree Y compra bo auto y piezanan na La Victoria

Comentario di „Baltimore Sun"

WASHINGTON 12 september. — Segun e corant Mericano „Baltimore Sun" e planeadornan di ehercito Mericano ta preocupa cu Union Sovietica, door di e actual serie di prueba nuclear lo hanja un adelanto riba Merca na desarollo di un proyectil pa combati raketaan.

E corresponsal militar di e diario ta anuncia despues cu experionan Mericano ta bisa cu un di e cuater prueba nan recien a tuma lugar na un altura di setenta mil meter. Esaki ta haci e cientificonan Mericano sospecha cu nan por traha un proyectil cu riba e altura ey por worde usa pa captura raketaan intercontinental cu ta drenta. E pais cu prome ta posee un raket asina ti un enorme ventaha, segun Baltimore Sun.

Hoadley a hanja su retiro

WASHINGTON 12 september. — Un oficial di ehercito Mericano, teniente coronel Hoadley funcionario di informacion di e cuartel general Mericano na Berlin, a hanja su retiro y un otro un aviso serio. Esaki pasobra nan a laga un departamento di ehercito Mericano tuma parti di transmision di television na e frontera di sector na Berlin.

Un cantidad di oficialnan y soldadnan Mericano a presenta cu material entre otro scopetnan automatico y jeep te na e frontera pa asina duna television oportunidad pa tuma algun pelicula masha emocionante.

Senador cu a keda masha stranya a declara un tal incidente ta un berguensa y peligroso en bista di e situacion na e frontera.

Na Burlington un avion a subi bashi

BURLINGTON 12 september. — Poblacion di e ciudad Burlington den estado Iowa na Merca a pasa algun momento masha na laira. Un avion a lanta for di aeropuerto sin tripulacion y a cuminsa dal buelta riba ciudad pa loco. E aparato tabata para cu su tankinan riba e aeropuerto di Burlington ora cu e pilot tabata haci preparacionnan pafor di e aparato pa e sali. Di repente e motor a start. Tur loke e pilot por a

RAFAEL BINTOE A SALI LIBER

ELISABETHSTAD 12 september. — Gobierno di Katanga a laga Rafael Bintoe, minister president di Sur Kasai, cu dies dos dia pasa nan a aresta pasobra el a truce seguridad di Katanga di un peliger, sali liber.

Ne medida ta pa mengua e tension cu a surgi despues cu 25000 miembro di e tribu baloeba a hui pa un campamento di Nacionnan Uni.

E refugianan a informa Nacionnan Uni cu despues di arestacion di Bintoe nan tabatin miedu pa gobierno di Katanga no haci arestacionnan masal.

Resultado di conferencia di Geneve

GENEVE 12 september. — E conferencia di representanten Ingles, Mericano, y Ruso na Geneve pa firma un acuerdo pa prohibicion di prueba nuclear cu for di 1958 nan ta teniendo na Geneve cu interrupcionnan, a keda suspende te despues cu nan atende e asuntun den asamblea general di Nacionnan Uni, cu lo cuminsa dia 19 awor.

NEHRU NA TELEVISION

MOSKOU 12 september. — Minister president di India, Nehroe, a bisa den un transmision di television Ruso cu e conversacionnan cu el a haci cu premier Chroesjtsjef tabata util pe. El a duna su opinion cu nan ta util pa desolve problemnan importante internacional.